

1. სახელმწიფო შესყიდვის შესახებ ხელშეკრულების პროექტი ხელშეკრულება სახელმწიფო შესყიდვის შესახებ №

ქ. თბილისი

„___“ _____ 2022 წ.

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შედეგად გამარჯვებულ პრეტენდენტთან. წინამდებარე ხელშეკრულების პროექტის პირობები დაზუსტდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი

ერთი მხრივ, სსიპ კოლეჯი „სპექტრი“ (მისამართი: საქართველო, თბილისი ბ. ჭიჭინაძის ქ. 10) წარმოდგენილი მისი დირექტორის როინ ტაკიძის სახით (შემდგომში „შემსყიდველი“) და მეორე მხრივ _____ (მისამართი: _____) წარმოდგენილი მისი _____ სახით (შემდგომში „მიმწოდებელი“), სახელმწიფო შესყიდვების სააგენტოს თავმჯდომარის 2017 წლის 14 ივნისის №12 ბრძანებით დამტკიცებული „ელექტრონული ტენდერის ჩატარების წესის“ მოთხოვნათა შესაბამისად და საავტომობილო ტრანსპორტის მომსახურებების სახელმწიფო შესყიდვის მიზნით გამოცხადებული გამარტივებული ელექტრონული ტენდერის (სატენდერო განცხადების ნომერი SPA _____) საფუძველზე, ვდებთ სახელმწიფო შესყიდვის შესახებ ხელშეკრულებას შემდეგზე

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1. „ხელშეკრულება სახელმწიფო შესყიდვის შესახებ“ (შემდგომში „ხელშეკრულება“) - შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ - კალენდარულ დღე, კვირა, თვე.
- 1.4. „შემსყიდველი“ - ორგანიზაცია, რომელიც ახორციელებს შესყიდვას.
- 1.5. „მიმწოდებელი“ - პირი, რომელიც ახორციელებს მომსახურების გაწევას ამ ხელშეკრულების ფარგლებში.
- 1.6. „მომსახურება“ - ხელშეკრულების მე-2 მუხლით გათვალისწინებული ხელშეკრულების საგანი.
- 1.7. „სატენდერო დოკუმენტაცია“ - შესყიდვის ობიექტის აღწერის მიზნით სატენდერო განცხადებაზე (სატენდერო განცხადების ნომერი:) თანდართული დოკუმენტაცია.

2. ხელშეკრულების საგანი

- 2.1 ხელშეკრულების საგანია სსიპ კოლეჯი „სპექტრი“-ს 2 (ორი) შპმ სტუდენტის ტრანსპორტირების მიზნით 2 (ორი) ავტომანქანის დაქირავება მძღოლებთან ერთად 2022 წლის 10 ოქტომბრიდან დანართი №1-ით განსაზღვრული მარშრუტების მიხედვით, სახელმწიფო შესყიდვა წინამდებარე ხელშეკრულებით გათვალისწინებული პირობების შესაბამისად.
- 2.2 გაწეული მომსახურება უნდა შეესაბამებოდეს სატენდერო დოკუმენტაციის ტექნიკურ დავალებაში მითითებულ სტანდარტებს.
- 2.3 გასაწევი მომსახურების დასახელება, ერთეულის და საერთო ფასი მოყვანილია დანართ №1-ში (ფასების ცხრილი), რომელიც თან ერთვის წინამდებარე ხელშეკრულებას და წარმოადგენს მის განუყოფელ ნაწილს.
- 2.4 კლასიფიკატორის კოდი: 60171000

3. ხელშეკრულების ღირებულება

- 3.1 ხელშეკრულების საერთო ღირებულება შეადგენს _____ (_____) ლარს.
- 3.2 მომსახურების ღირებულება მოიცავს როგორც გასაწევი მომსახურების ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს.
- 3.3 დაფინანსების წყარო: სახელმწიფო ბიუჯეტი. (ვაუჩერული დაფინანსება)
- 3.4 ხელშეკრულების ღირებულების შეცვლა შესაძლებელია მხოლოდ მხარეთა წერილობითი შეთანხმების საფუძველზე საქართველოს კანონმდებლობით გათვალისწინებულ შემთხვევებში.
- 3.5 სახელმწიფო შესყიდვის შესახებ ხელშეკრულების პირობების შეცვლა დაუშვებელია, თუ ამ ცვლილებების

შედეგად იზრდება ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

- 3.6 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობის გაზრდა.

4. გაწეული მომსახურების ხარისხი

- 4.1 მიმწოდებელი იღებს ვალდებულებას, რომ მიწოდებული იქნება მაღალი ხარისხის მომსახურება და უპასუხებს ხელშეკრულებითა და სატენდერო დოკუმენტაციით გათვალისწინებულ პირობებს და შესაბამისობაში იქნება მოქმედ სტანდარტებთან და ნორმებთან.

5. მომსახურების გაწევის ვადები და ადგილი

- 5.1 მომსახურების გაწევის ვადა: 2022 წლის 2022 წლის 10 ოქტომბრიდან დანართი 1-ის შესაბამისად (კონკრეტული საათები მიმწოდებელს ეცნობება მომსახურების გაწევამდე).
- 5.2 მომსახურების გაწევის ადგილია: დანართი №1-ის შესაბამისად.

6. გაწეული მომსახურების მიღება-ჩაბარების წესი

- 6.1 გაწეული მომსახურების მიღება-ჩაბარება ხორციელდება ეტაპობრივად, ყოველი თვის ბოლოს გაფორმებული მიღება-ჩაბარების აქტის საფუძველზე, მიმწოდებლის მიერ ფაქტიურად გაწეული მომსახურების შესაბამისად.
- 6.2 ხელშეკრულებით გათვალისწინებული მიღება-ჩაბარების აქტების გაფორმებაზე პასუხისმგებელი პირია _____ სსიპ კოლეჯი „სპექტრი“-ს _____

7. ანგარიშსწორების ფორმა, გრაფიკი (ვადები) და ადგილი

- 7.1 ანგარიშსწორება მიმწოდებელთან განხორციელდება ეროვნულ ვალუტაში - ლარში, უნაღდო ანგარიშსწორების ფორმით მიმწოდებლის მიერ ფაქტიურად გაწეული მომსახურების ღირებულების შესაბამისად.
- 7.2 ანგარიშსწორება განხორციელდება წინამდებარე ხელშეკრულებაში მითითებულ მიმწოდებლის საბანკო რეკვიზიტებზე.
- 7.3 ანგარიშსწორება შემსყიდველის მიერ მოხდება მხარეთა შორის მიღება-ჩაბარების აქტის გაფორმებიდან არაუგვიანეს 10 (ათი) დღეში. თუკი ანგარიშსწორების განხორციელების ვადის ბოლო დღე ემთხვევა არასამუშაო დღეს, ანგარიშსწორება განხორციელდება მომდევნო სამუშაო დღეს.
- 7.4 წინასწარი ანგარიშსწორება (ავანსი) არ გამოიყენება.

8. მხარეთა უფლება-მოვალეობანი და ვალდებულებები

- 8.1 შემსყიდველს უფლება აქვს:
- ა) შეამოწმოს გაწეული მომსახურების შესაბამისობა ხელშეკრულებით გათვალისწინებულ პირობებთან;
 - ბ) მოსთხოვოს მიმწოდებელს ხელშეკრულებით ნაკისრი ვალდებულებების ჯეროვანი შესრულება;
 - გ) განაცხადოს უარი დავიანებით ან უხარისხოდ გაწეული მომსახურების მიღებაზე;
 - დ) ხელშეკრულებით გათვალისწინებული ვალდებულებების შეუსრულებლობის ან/და არაჯეროვნად შესრულების შემთხვევაში წერილობითი შეტყობინების საფუძველზე შეწყვიტოს ხელშეკრულება.
- 8.2 შემსყიდველი ვალდებულია:
- ა) მოახდინოს ანგარიშსწორება მიმწოდებელთან ხელშეკრულებით გათვალისწინებული პირობების შესაბამისად;
 - ბ) დაიცვას ხელშეკრულებით გათვალისწინებული ყველა პირობა.
- 8.3 მიმწოდებელს უფლება აქვს:
- ა) მოსთხოვოს შემსყიდველს ფაქტიურად გაწეული მომსახურების ღირებულების ანაზღაურება ხელშეკრულებით გათვალისწინებული პირობებით;
 - ბ) მოსთხოვოს შემსყიდველს ხელშეკრულებით ნაკისრი ვალდებულებების ჯეროვანი შესრულება.
- 8.4 მიმწოდებელი ვალდებულია:
- ა) უზრუნველყოს შემსყიდველისთვის წინამდებარე ხელშეკრულების მე-2 მუხლით გათვალისწინებული მომსახურების ჯეროვანი მიწოდება;
 - ბ) მომსახურების მიწოდების პროცესში შემსყიდველს მოახსენოს გამოვლენილი პრობლემების შესახებ, გაუწიოს სათანადო კონსულტაციები მათ აღმოსაფხვრელად;
 - გ) უზრუნველყოს სტუდენტის უსაფრთხო (ტრანსპორტირების დროს უნდა იყოს დაცული უსაფრთხოების ყველა ნორმა) და დროული გადაადგილება;
 - დ) უზრუნველყოს, რომ მომსახურების გაწევის პერიოდში შემოთავაზებული სატრანსპორტო საშუალება იყოს ტექნიკურად გამართული, გარეცხილი და სუფთა მდგომარეობაში, საწვავით უზრუნველყოფილი;

ე) უზრუნველყოს ავტომობილში შშმ პირის ეტლის მოთავსება.(საჭიროების შემთხვევაში)

ვ) უზრუნველყოს სტუდენტების ავტომობილში ჩაჯდომა-გადმოსვლა.

თ) ხელი შეუწყოს შემსყიდველს ინსპექტირების განხორციელებისას;

ზ) დროულად განიხილოს შემსყიდველის პრეტენზიები და მიაწოდოს დასაბუთებული პასუხი ყველა საკითხზე;

თ) განახორციელოს ამ ხელშეკრულებით მასზე დაკისრებული სხვა ვალდებულებები.

9. ხელშეკრულების შესრულების კონტროლი

9.1 მიმწოდებლის მიერ ხელშეკრულებით ნაკისრი ვალდებულებების შესრულების მიზნით ხელშეკრულების მიმდინარეობის ნებისმიერ ეტაპზე შემსყიდველი ახორციელებს კონტროლს.

9.2 კონტროლს განახორციელებს _____, სსიპ კოლეჯი „სპექტრი“-ს _____.

9.3 შემსყიდველის შესაბამისი წარმომადგენელი უფლებამოსილია ჩაატაროს ხარისხის კონტროლი და თუ აღმოჩნდება წუნით გაწეული მომსახურება, მიმწოდებელი ვალდებულია დაუყოვნებლივ გამოასწოროს წუნი.

10. ხელშეკრულების შესრულების შეფერხება

10.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ შესაძლო უმოკლეს ვადაში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

10.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-12 მუხლის შესაბამისად.

11. ხელშეკრულების პირობების შეუსრულებლობა

11.1 ერთ-ერთი მხარის მიერ ნაკისრი ვალდებულების შეუსრულებლობის ან არასათანადო შესრულების შემთხვევაში, ბრალეული მხარე დაზარალებულ მხარეს აუნაზღაურებს დოკუმენტალურად დადასტურებულ მიყენებულ ზიანს, საქართველოში მოქმედი კანონმდებლობით დადგენილი წესით.

11.2 მიმწოდებელი პასუხს აგებს მისთვის დაკისრებული ვალდებულებების სათანადო შესრულებისათვის და ვალდებულია აანაზღაუროს მისი ქმედებით დამდგარი ყველა სახის ზიანი.

11.3 წინამდებარე ხელშეკრულების 2.1 პუნქტით განსაზღვრული მომსახურების შეუსრულებლობის ან არაჯეროვნად შესრულების შემთხვევაში მიმწოდებელს ეკისრება პირგასამტეხლო ყოველ ვადაგადაცილებულ დღეზე ხელშეკრულების ღირებულების 0.02%-ის ოდენობით.

11.4 მიმწოდებელი უფლებამოსილია წინამდებარე ხელშეკრულების მე-7 მუხლის 7.3 პუნქტით გათვალისწინებული ვადის გადაცილების შემთხვევაში დააკისროს შემსყიდველს პირგასამტეხლო მოცემულ მომენტში გადასარიცხი თანხის 0.02%-ის ოდენობით.

11.5 იმ შემთხვევაში თუ მიმწოდებელზე დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 2%-ს, შემსყიდველს უფლება აქვს ნებისმიერ დროს ცალმხრივად შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.

11.6 საჯარიმო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისგან.

12. ხელშეკრულებაში ცვლილებების შეტანა

12.1 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

12.2 ნებისმიერი ცვლილება წინამდებარე ხელშეკრულებაში განხორციელდება წერილობით ორივე მხარის უფლებამოსილი წარმომადგენლების ხელმოწერით. რომელიც ჩაითვლება ხელშეკრულების განუყოფელ ნაწილად.

13. დავები და მათი გადაწყვეტის წესი

13.1 ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკებების გზით.

13.2 თუ ასეთი მოლაპარაკებების დაწყებიდან 5 (ხუთი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია, მიმართოს სასამართლოს კანონით დადგენილი წესით.

14. ხელშეკრულების შეწყვეტა

14.1 ხელშეკრულება ავტომატურად წყდება:

ა) ხელშეკრულების ვადის გასვლის გამო;

ბ) მხარეების ლიკვიდაციის ან რეორგანიზაციის შემთხვევაში, თუ მას არ ჰყავს სამართალმემკვიდრე ან უფლებამონაცვლე.

- 14.2 ორივე მხარე უფლებამოსილია მოშალის წინამდებარე ხელშეკრულება, თუ მეორე მხარე ვერ უზრუნველყოფს თავისი ვალდებულებების ჯეროვან შესრულებას, ან მოქმედი კანონმდებლობით დადგენილ სხვა შემთხვევებში, რაზეც მხარემ უნდა აცნობოს მეორე მხარეს 5 (ხუთი) დღით ადრე.
- 14.3 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს ხელშეკრულებით გათვალისწინებული დანარჩენი ვალდებულებების შესრულებისგან.
- 14.4 მხარეებს შეუძლიათ ურთიერთშეთანხმებით, ორმხრივად შეწყვიტონ წინამდებარე ხელშეკრულება მისი მოქმედების ნებისმიერ ეტაპზე.

15. ხელშეკრულების მოქმედების ვადა

- 15.1 წინამდებარე ხელშეკრულება ძალაში შედის ხელის მოწერის დღიდან და მოქმედებს 2023 წლის 31 იანვრის ჩათვლით.

16. ფორს-მაჟორი

- 16.1 წინამდებარე ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.
- 16.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.
- 16.3 ფორს-მაჟორული გარემოების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ მაგრამ არაუგვიანეს 5 (ხუთი) სამუშაო დღის ვადაში უნდა გაუგზავნოს მეორე მხარეს წერილობითი შეტყობინება ასეთი გარემოების და მათი გამოწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულების ისეთი ალტერნატიული ხერხები, რომლებიც დამოუკიდებლად იქნებიან ფორს-მაჟორული გარემოებების ზეგავლენისგან.

17. სხვა პირობები

- 17.1 არც ერთ მხარეს არა აქვს უფლება, მეორე მხარისაგან წერილობითი თანხმობის გარეშე თავისი უფლებები ან ვალდებულებანი გაასხვისოს ან გადასცეს მესამე პირებს.
- 17.2 ხელშეკრულება შედგენილია ორი თანაბარი იურიდიული ძალის მქონე ეგზემპლარად, ქართულ ენაზე, აქედან ერთი ეგზემპლარი გადაეცემა მიმწოდებელს, ხოლო ერთი - შემსყიდველს.
- 17.3 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით.
- 17.4 შეტყობინება შედის ძალაში ადრესატის მიერ მისი მიღების დღეს.

18. მხარეთა რეკვიზიტები

სსიპ კოლეჯი „სპექტრი

„-----“

მის: საქართველო, თბილისი, ბ. ჭიჭინაძის ქ. 10

მის:

სახელმწიფო ხაზინა

ბანკი:

ს/კოდი: 208183605

კოდი:

ა/ა

ს/კოდი: _____

შემსყიდველი:

მიმწოდებელი: